



Broj: 05/1-50-13-26-48-3/18

Sarajevo, 18. 6. 2018.

ZAPISNIK

48. sjednice Nezavisnog odbora Parlamentarne skupštine BiH

Sjednica je održana 18. 6. 2018, s početkom u 17 sati.

Sjednicu je sazvala Tatjana Klječanin-Martić, predsjednica Nezavisnog odbora.

PRISUTNI ČLANOVI NEZAVISNOG ODBORA: Enes Obraliya, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Vladimir Jurišić, članovi Nezavisnog odbora.

ODSUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednici su prisustvovali i Zoran Galić, direktor Granične policije BiH, te Fahrudin Halač, zamjenik direktora Granične policije BiH.

Sjednicu su pratili i Zoran Žuža iz Sektora za odnose s javnošću Sekretarijata Parlamentarne skupštine BiH te Dijana Šatara, predstavnica OHR-a.

Sjednicom je predsjedavao prvi zamjenik predsjednice Nezavisnog odbora Enes Obraliya.

Konstatirajući da postoji kvorum za rad, otvorio je 48. sjednicu Nezavisnog odbora Parlamentarne skupštine BiH.

Na početku sjednice prvi zamjenik predsjednice Nezavisnog odbora Enes Obraliya informirao je prisutne članove da je predsjednica Nezavisnog odbora Tatjana Klječanin-Martić, dopisom broj: 01,02,05/1-34-1-1382/18 od 7. 6. 2018, Predstavničkom domu i Domu naroda

Parlamentarne skupštine BiH podnijela Zahtjev za razrješenje dužnosti člana Nezavisnog odbora kao nezavisnog tijela policijske strukture BiH jer zbog privatnih i porodičnih obaveza nije više u mogućnosti učestvovati u daljnjem radu ovog tijela.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 47. sjednice Nezavisnog odbora;
2. Razmatranje Izvještaja o radu Granične policije BiH za 2017. godinu i Programa rada Granične policije BiH za 2018. godinu, materijal broj: 17-08-50-4563-1/18 od 24. 5. 2018, zaprimljeno u Pisarnici Parlamentarne skupštine BiH 30. 5. 2018, broj: 05/1-50-13-26-47/18;
3. Tekuća pitanja.

Ad. 1. Usvajanje Zapisnika 47. sjednice Nezavisnog odbora

Zapisnik 47. sjednice Nezavisnog odbora jednoglasno je usvojen, bez primjedbi.

Ad. 2. Razmatranje Izvještaja o radu Granične policije BiH za 2017. godinu i Programa rada Granične policije BiH za 2018. godinu, materijal broj: 17-08-50-4563-1/18 od 24. 5. 2018, zaprimljeno u Pisarnici Parlamentarne skupštine BiH 30. 5. 2018, broj: 05/1-50-13-26-47/18

U uvodu u ovu tačku dnevnog reda prvi zamjenik predsjednice Nezavisnog odbora Enes Obralića napomenuo je da je Granična policija BiH, u skladu sa zaključkom s 47. sjednice Nezavisnog odbora, dostavila Izvještaj o radu Granične policije BiH za 2017. godinu i Program rada Granične policije BiH za 2018. godinu. U vezi s tim, na sjednicu su pozvani i prisustvovali joj Zoran Galić, direktor Granične policije BiH, i Fahrudin Halač, zamjenik direktora Granične policije BiH, kako bi s članovima Nezavisnog odbora razmatrali dostavljeni materijal.

U raspravi o ovoj tački dnevnog reda i razgovoru članova Nezavisnog odbora s direktorom i zamjenikom direktora Granične policije BiH učestvovali su svi prisutni članovi Nezavisnog odbora. Razgovarali su i o trenutnom stanju u Graničnoj policiji BiH, problemima s kojima se

susreću u radu, migrantskoj krizi koja je gorući problem u BiH, nedostatku velikog broja policijskih službenika u Graničnoj policiji BiH, kadrovskoj popunjenosti, o saradnji s drugim policijskim agencijama te drugim pitanjima iz domena rada Granične policije BiH.

Nakon rasprave, članovi Nezavisnog odbora jednoglasno su primili k znanju Izvještaj o radu Granične policije BiH za 2017. godinu i Program rada Granične policije BiH za 2018. godinu te jednoglasno usvojili sljedeće zaključke:

ZAKLJUČAK I.

Nakon razmatranja Izvještaja o radu Granične policije BiH za 2017. godinu i Programa rada Granične policije BiH za 2018. godinu, te nakon razgovora s direktorom i zamjenikom direktora Granične policije BiH, Nezavisni odbor je zaključio da se zaista nameće hitna potreba za prijem najmanje 200 policijskih službenika u Graničnu policiju BiH.

ZAKLJUČAK II.

Nezavisni odbor inicira razmatranje prijedloga teksta Pravilnika o unutrašnjoj organizaciji i sistematizaciji radnih mjesta u Graničnoj policiji BiH.

Ad. 3. Tekuća pitanja

U okviru ove tačke dnevnog reda dogovoreno je i da se sljedeća sjednica Nezavisnog odbora održi 9. 7. 2018. u 17 sati te da se na sjednicu pozovu direktor i zamjenik direktora Državne agencije za istrage i zaštitu.

Prvi zamjenik predsjednice Nezavisnog odbora Enes Obralića zaključio je sjednicu u 18.30 sati.

SEKRETARKA
NEZAVISNOG ODBORA

Ivana Lovrić

PREDSJEDNICA
NEZAVISNOG ODBORA

Tatjana Klječanin-Martić